

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101- 8803/26 DŽS *bfs*

Zenica, 20.08.2026. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 601-8801-1/26 DŽS od 20.08.2026. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U **o izboru najpovoljnijeg ponuđača**

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 601-8801/26 DŽS od 20.08.2026. godine u postupku dodjele okvirnog sporazuma za nabavku radne obuče i zaštitne opreme, LOT 1 – radna obuča, i prihvata se preporuka Komisije za nabavke da se okvirni sporazum zaključi sa ponuđačem:

KAPRIOL POINT d.o.o.

kao najbolje ocijenjenom ponuđaču, prema ponudi protokoliranoj pod brojem: 601-8145/26 od 31.07.2026. godine, a nakon e-aukcije za ostvarenu cijenu od 27.900,00 KM bez uračunatog PDV-a.

II

Prvobitno ponuđena cijena izabranog ponuđača u iznosu od 37.161,28 KM nakon provedene e-aukcije umanjena je za 24,92 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog ugovora dostavit će se na potpis izabranom ponuđaču u skladu sa članom 98. Zakona o javnim nabavkama BiH.

IV

Za izvršenje ove Odluke zadužuje se Komisija za nabavke, Odjeljenje za pravne poslove i ljudske resurse, te Odjeljenje za komercijalu i finansije u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7185/26 AB od 08.07.2026. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a za LOT 1 je 38.000,00 KM.

Dana 08.07.2026.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-271-3-122/26 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 31.07.2026. godine.

Rok za dostavljanje ponuda je bio 31.07.2026. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj koverti, i to:

1. INKOS EXPORT-IMPORT d.o.o.

2. RM COMPANY d.o.o.
3. KAPRIOL POINT d.o.o.
4. MAX TRGOVINE d.o.o.

Komisija za nabavku imenovana je Odlukom broj: 101-8400/26 ME od 06.08.2026. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda 0 (nula),
- ukupno 25 (dvadesetpet) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 20.08.2026. godine direktoru preduzeća dostavila Zapisnik o ocjeni ponuda broj: 601-8801/26 DŽS od 20.08.2026. godine sa preporukom o izboru najpovoljnijeg ponuđača:

Komisija za nabavke je dana 03.08.2026. godine, radi pružanja stručne pomoći u pregledu i ocjeni zaprimljenih ponuda, Zahtjevom, broj: 601-7185-4/26 DŽS, zatražila angažman stručnog lica – radnice preduzeća Amile Brkić-Omić.

Zahtjevom je preciziran zadatak angažovanog stručnog lica.

U skladu sa navedenim, angažovano stručno lice je u zadatom roku dostavilo Mišljenje o usklađenosti dostavljenih ponuda sa zahtjevima iz tenderske dokumentacije, broj: 601-7185-5/26 ABO.

Komisija za nabavke je prihvatila dostavljeno Mišljenje.

Komisija je nakon toga izvršila evaluaciju pristiglih ponuda u skladu sa traženim uslovima u tenderskoj dokumentaciji, te izvršila i provjeru računske ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 601-8801/26 DŽS od 20.08.2026. godine i provjerom sadržaja i validnosti dokumentacije, utvrdila sljedeće:

Ponuđač INKOS EXPORT-IMPORT d.o.o. je dostavio samo podatke o ponuđaču, Aneks 2 i Izvod iz sudskog registra. Osim toga, ponuda nije uvezana, nije dostavljena kopija ponude kao ni traženi uzorci.

Iz gore navedenih razloga ponuda ponuđača INKOS EXPORT-IMPORT d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuđač MAX TRGOVINE d.o.o. nije dostavio drugu stranu Aneksa 1, tačnije nije dostavio Izjavu ponuđača.

Pregledom tehničke dokumentacije i uzoraka utvrđena su odstupanja u odnosu za zahtjeve iz tenderske dokumentacije za stavku 2: TIP 1 – duboka cipela. Tenderskom dokumentacijom je traženo dostavljanje Izjave o usklađenosti izdate u skladu sa EU Uredbom 2016/425. Ponuđač je dostavio Izjavu o usklađenosti izdatu od strane Lacuna d.o.o. Srbija, koja nije izdata niti usklađena sa traženom EU Uredbom, te ne ispunjava definisani tehnički uslov.

Iz gore navedenih razloga ponuda ponuđača MAX TRGOVINE d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Uvidom u priloženu dokumentaciju postupka broj: 207-7185-1/26 AB od 08.07.2026. godine, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH”, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Sljedom navedenog, ugovorni organ je ponuđačima koji su dostavili formalno-pravno ispravne i tehnički prihvatljive ponude, shodno odredbi čl.4. Pravilnika o načinu korištenja e-aukcije, zakazao e-aukciju za dan 18.08.2026. godine, u terminu od 10:00 sati.

Ponude ponuđača, prije početka e-aukcije su:

1. KAPRIOL POINT d.o.o., sa ukupnom cijenom ponude u iznosu od 37.161,28 KM bez PDV-a
2. RM COMPANY d.o.o., sa ukupnom cijenom ponude u iznosu od 37.950,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. KAPRIOL POINT d.o.o., sa ukupnom cijenom ponude u iznosu od 27.900,00 KM bez PDV-a
2. RM COMPANY d.o.o., sa ukupnom cijenom ponude u iznosu od 28.000,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. KAPRIOL POINT d.o.o., sa ukupnom cijenom ponude u iznosu od 27.900,00 KM bez PDV-a
2. RM COMPANY d.o.o., sa ukupnom cijenom ponude u iznosu od 28.000,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku radne obuče i zaštitne opreme, LOT 1 – radna obuča, dao ponuđač KAPRIOL POINT d.o.o. jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22, 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.


DIREKTOR:
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Tehnički direktor
- 1 x Dir.za razvoj i invest.
- 1 x Pom.dir. za pravne poslove
- 1 x Pom.dir. za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a